



Tom Bennet: sconfuart

secont at de tragjediè

intal Novembar dal '18, dopo la vitorie taliane, e rive sul puest la *Reâl Comission di Indagjin*. Fate nome di

oms!

“*ce vergogne, Signôr... e cumò?*”

“*tasê, cidin! in cuce!*”

cun di une bande ogni reticence par teme dal disonôr, e di chê altre la volontât di no comprometi inmò plui les comunitâts, chei incuisitôrs e rivin a scrivi di istès siet volums su chel cont. Il cuart al à come titul: « *Delits cuintri l'onôr de femine* » [\[\[1\]\]](#) ma cence zontâ un verbâl, par no rindi publichis chês scabrosis descrizions.

ce sensibilitât, benedets!

cun dut chel e rivin a ricognossi cent e sessantecinc (175) câs cui nons des vitimis e cinc cent e setante (570) aciertâts, ma cence indicazion des identitâts. sepi-dîu trops altris: tasûts, scuindûts, taponats, neats,

cidinats, glotûts. Ce pretindi di chês feminis, dopo un abûs: lôr simpri cul lunc grumâl neri. sieradis tai cjamps e a la storie. metudis in bande dai oms e de glesie.

E no je inmò finide.

tantis le an suiade cussì. ben

altris si son cjatadis in spiete: e par scancelâ le infamie prin di pierdi la famee, un pocjis e an rivât a dispierdi. un pocjis, dopo, e an proviodût a sfantâ la panole. chês che non an vût fortune o coragjo, e an parturît il « fi dal nemì ».

culi al tache il tierç at

lis maris sposadis e an cuintri

l'om o la sô famee. Chês no maridadis: i paris e i fradis. Cu l'om muart in vuere, chel piçul magari al podeve restâ: ma se l'om al tornave, no che no! incolpant la femine di no vê resistût. o dopo, di no seisi copade. Ancje i fîs plui grancj non vuelin vê li chel bastart.

i fîs dal todesc e cjatin nome ostilitât, aversion, asse, inclemence.

il doi di Dicembar dal '18, a

Portogruaro si vierç l'«Ospizi dai fîs de vuere». par dâ acet ai *vuarfins dai vîfs* [\[\[2\]\]](#) e “meti adun la pâs des fameis scjassadis, comedant la morâl in ruvine” [\[\[3\]\]](#).

e rivin subite un centenâr di feminis in spiete, cun pôre dal om. ma subit dopo, par jentrâ, bisugnave che lis autoritâts locâls (plevan e sindic) e comprovassin. un predi al scrîf: « la mari e à simpri tignût une condote cence difiet, partant plui che colpevule bisugne clamâle disditade, parcè che e je stade puartade al pecjât cu le violence ».

e veve cuindis agns.

intal Ospizi e cjatin ricovar daurman, tresinte e cincuantecinc (355) fruts.

ma si sa dal ciert, di prole ilegjitime che e je lade ancje tal orfanotrofi di

Udin, e po di tancj câs che son stâts refudâts (dulà mai sarano ladis a finî chês creaturis) no vint la documentazion necessarie: scomençant de rinunzie a ogni dirit sul frut, firmade da doi gjenitôrs. l'om al veve par leç la paternitât,

ancje se nol saveve nuie. nunziade al contrari. opere pie, a mieç.

dal Passadôr

fin dal secont

toc.

continue ...

[1]

al è dividût in cjapitui: 1) Stupris cun omicidis o feriments. 2) Violencis cun menacis a man armade. 3) Stupris di vecjis, di frutis, di infermis. 3) Ats di depravazion. 4) Azions di brigantaç.

[2]

Andrea Falcomer: Gli “orfani dei vivi”
/ bibliografie essenziâl: - Bruna Bianchi (a cure di): La violenza contro la popolazione civile - Laura Calò: Le donne friulane e la violenza di Guerra - Daniele Ceschin: L'estremo oltraggio - Antonio Gibelli: Guerra e violenze sessuali - Michele Strazza: Senza via di scampo.

[3]

il codiç Zanardelli, al considerave il stupri un delit cuintri il bon sest e l'ordin de famee !